

أول جمعة في الجنة | الحلقة (32) | #شبابيك | د. حازم

شومان

حازم شومان

السلام عليكم ورحمة الله وبركاته الحمد لله وكفى صلاة وسلاما على عباده الذين اصطفى. اما بعد خطط لمستقبلك. واحنا في حلقة

جديدة من التخطيط لمستقبلنا الحقيقة يا جماعة. واحنا بنخطط - 00:00:00

في الفردوس الاعلى. عارفين النهاردة هنتكلم عن ايه؟ ازاي نخطط لاول يوم جمعة في الجنة؟ اول يوم جمعة يعني ايه؟ هي الجنة

فيها احداث بالمنزلة يا جماعة في ناس فاكدة ان الجنة شوية خضرة وماية. في ناس فاكدة ان الجنة مش فاكدة مش فاهمة الجنة

دي عبارة عن ايه. الجنة دي الاحداث الرهيبة اللي فيها عبارة عن ايه؟ الجنة ديت - 00:00:30

الاحداث اللي في كل يوم غير اليوم اللي قبله وانواع النعيم وتنوع النعيم ونعيم الزيادة المستمرة ونعيم الابهار

والمفاجآت بتاعة الجنة دي شكلها ايه؟ عشان كده احنا بنحاول في السلسلة ديت ان احنا نوصل الى حد ما يعني ايه جنة؟ يوم

الجمعة في الجنة؟ هنتكلم عن حديسين - 00:00:50

في يوم الجمعة في الجنة. حديس جاب ثلاث اصناف من النعيم المميز بيوم الجمعة. وحديس جاب صنفين من النعيم المميز يوم

الجمعة. يعني يوم الجمعة هنتكلم في الحلقة دي ان شاء الله عن - 00:01:10

خمس اصناف من النعيم اللي بتميز يوم الجمعة عن اي يوم ثاني في الجنة. عشان كده يوم الجمعة ده عيد اهل الجنة. يعني العيد

بتاع اهل الجنة النهاردة بنتكلم عن - 00:01:20

وفي الدنيا فيه يوم الجمعة عيد لاهل الدنيا المسلمين والفطر والاضحى. عيد اهل الجنة هو كل يوم جمعة. هنتكلم عن العيد بتاعنا

في الجنة. اسمعي بقى الحديس الاولاني بقلبك كده واسمع الحديس الاولاني معي بقلبك كده حديث الاولاني قال رسول الله صلى الله

عليه وسلم ان في الجنة - 00:01:30

فسوقا ان في الجنة لسوقا. يعني ايه ان في الجنة لسوقا؟ سوء! الجنة فيها اسواق يا جماعة! الجنة فيها ماركت الجنة فيها سيلز

وماركتينج وبيكنج الجنة فيها الكلام ده. ان في الجنة لسوقا يأتونها كل جمع - 00:01:50

يبقى فيه سوق اسبوعي كل يوم جمعة. السوق ده ايه هو؟ ايه السلعة اللي موجودة في الجنة؟ انا في الجنة ما فيش دولارات ولا

استرليني ولا يوروها ولا جنيهات ايه السلعة اللي في الجنة؟ النعيم. انا عندي قصور، انا عندي خوت، انا عندي فلل، انا عندي

شاليهات. انا عندي انا عندي بقى النعيم اللي عندي في الجنة - 00:02:10

فكل واحد بقى من ضمن الحياة الاجتماعية في الجنة الزيارات المتبادلة ما بين اهل الجنة. فكل واحد بيشوف عند اخوانه وعند

اخواته انواع من النعيم ما هياش عنده فبيجي بقى بعد ما استمتع بالاصناف ديت ييجي في السوق بتاعة يوم الجمعة يحط قدامه

اليه اصناف النعيم اللي هو عايز يبادلها. يعني ده تبادل اصناف النعيم يا جماعة - 00:02:30

يعني كل يوم جمعة في سوق تجاري كبير جدا بيتعمل في الجنة تبادل اصناف النعيم. انا عندي الشاليه ده تاخديه وتديني اليخت

بتاعك؟ طيب يبقى انا عندي القبة دهيت على نهر الكوثر مسلا تاخدها وتديني القصر بتاعك وهكذا ادي حدس اهوت من احداث يوم

الجمعة. ياتونها كل - 00:02:50

لا جمعة فتهب ريح الشمال. ريح الشمال هي الجنة فيها رياح! هي الجنة فيها نسائم! يعني الجو بتاع يوم الجمعة ده خلاف اي يوم

تاني يعني النسائم بتاعة يوم الجمعة دي خلاف اي يوم تاني. فتهب ريح الشمال فتحثو في وجوههم وثيابهم. تحثو ايه هي الريح في الدنيا شوية هوا. لآ - [00:03:10](#)

الريح بتاعة الجنة دي مليانة برفانات مليانة حاجات بتزود الجمال فيزدادون حسنا وجمالاً. فيأتون الى اهلهم. يبقى اذا الجو بتاع الجنة بتاعة الجنة يوم الجمعة. الحاجة الثالثة فيرجعون الى اهلهم. رجع لمراته وحبيبته بقى وقد ازدادوا حسنا وجمالاً. كله ازداد في الحسن. ايه الفرق بين الحسن وبين - [00:03:30](#)

تمام. الحسن اللي هو حسن الملامح. العينين. الخدود. الشفايف. البياض. اللون الشعر. الملامح نفسها ازاى الحزن؟ والجمال جمال السياب جمال التسريحة جمال البرقان جمال المكياج. يبقى ده الحزن وده الجمال. فيقول لهم اهلهم لقد ازددتم بعدنا حسنا وجمالاً - [00:03:50](#)

مراتك كده وحبيبتك تقول لك ايه ده! انت بقيت اجمل من لما سبتك. ايه الجمال ده! ايه الحسن ده! ايه البهاء ده! فيقول لها وانتم والله لقد ازددتم بعدنا حسنا وجمالاً. ايه الحلاوة دي! ايه الطعامة دي! انت بقيتي جميلة كده ليه! ايه ده! تخيلي - [00:04:10](#)

يا جماعة واحد بيقول لمراته ايه الجمال ده! وهي بتقول له ايه البهاء ده! انا عايزك تتخيل بس المشهد الرومانسي اللي بيحصل. قمة الرومانسية ايه اللي في الدنيا؟ في الدنيا يدخل على مراته يلا جهزي الاكل بسرعة. طيب يا حبيبي طيب انت مش ملاحز اي حاجة؟ ملاحز ايه؟ انا مستعجل انا مش فاضي يلا جهزي الاجر. طب يا حبيبي - [00:04:30](#)

ما انتش شايف اي حاجة مختلفة آآ مختلف في الاكل لآ في انا في شكلي. ايه يعني؟ ما هو زي كل مرة في ايه! حبيبي انا سابيه لك شعر النهاردة. سابغها لي شعرك - [00:04:50](#)

هو آآ اه طب كويس. طب ده اللي احسن ولا الاول يا حبيبي؟ هو الاول كان ازاى اصلاً؟ الله يعني انت ما انتش عارف الاول كان ازاى ولا اللي بعد كده كان ازاى؟ واحدة بتقول - [00:05:00](#)

كل جوزها يا اخي قل لي كلمة حلوة. قال لها بسبوسة. قالت له يا اخي قل لي كلمة تهزني. قال لها مرجيحة. قالت له يا اخي قل لي كلمة تحسني ان انا زوجة. قال لها روي وانت طالق - [00:05:10](#)

في الدنيا ما كانش اللقاء الرومانسي بتاع الجنة ده حاجة تانية خالص يا جماعة. وبرضه الستات بقى ما هو هي طبعا بتنزل له الجامعة وهي فول ميك اب طبعا قاعدة ثلاث - [00:05:20](#)

قدام المراية لسة بقى مش مسئول عن حياة زوجية ولا عندها طيبخ ولا نشر ولا كوي ولا عيال ولا فاضية له بقى ثلاث ساعات. فمهور بقى اول يوم جواز بقى - [00:05:30](#)

اه او اول اسبوع جواز وهي لسة بقى ايه غسلت وشها بقى وصحى من النوم فيقول لها انت مين؟ تقول لي انا مين؟ انا حبيبتك يا حبيبي. حبيبتي مين؟ حبيبتي كان عينيها ملونة. حبيبتي - [00:05:40](#)

فكرة عدسات يا حبيبي. طب هي كانت بيضا ده كان كريم اساس وتفتيح بشرة يا حبيبي. طب كانت طويلة ده كان كعب تلتناشر سنتي يا حبيبي. طب كان شعرها اه ده كانت مكوة رجلي حبيبي. ايه ما اناش عاجباك ولا ايه! لا عجباني خلاص ده بقى قايمة ومؤخر والقصة خلصت خلاص. انما تخيل بقى اللقاء - [00:05:50](#)

بتاع الجنة ده ما فيش بقى جلايبة بريحة التوم والبصل بقى وما فيش بقى الشعر كله خصلة في اتجاه بقى. لا لا ده دنيا تانية خالص لقد ازدت بعدنا حسنا وجمالاً. ايه الجمال ده! وهو بيص لها مبهور يقول لها وانتم والله. لقد ازددتم بعدنا حسنا وجمالاً. ده بقى

رومانسي يا جماعة - [00:06:10](#)

ده بقى استاز. ده جايب الحسن غير الجمال. الحسن ده جمال العينين. جمال الملامح. انما الجمال ده بقى جمال البرقان. يعني بيعلق على كل حاجة فيها. بيعلق على كل حاجة ومبهور بها فيها. وهي ايه الجمال ده يا جماعة؟ ده ده يوم الجمعة. زيادة الحسن والجمال ده بتحصل يوم الجمعة. طب - [00:06:30](#)

تعالوا بقى ناخذ قلوبنا من المشهد ده كده. وندخل مع بعض بقى في مشهد تاني من مشاهد يوم الجمعة في حديس تاني. من

احاديس النبي عليه الصلاة والسلام. بس الحديس الثاني بقى - 00:06:50

قلوبنا نفوق اوي يا جماعة. اذا كان يوم الجمعة نزل تبارك وتعالى من عليين على كرسيه احنا بنتكلم في افق ثاني خالص. ده احنا بنتكلم في النظر لوجه الله سبحانه وتعالى. نزل تبارك وتعالى من عليين على كرسيه - 00:07:00

في كشف الحجاب. اهل الجنة كلهم يجوا ده اجتماع عام لاهل الجنة. في اجتماعات لاهل الجنة زي تحت شجر الطوبة. اجتماع نادي اجتماعي لاهل الجنة. انما دلوقتي اجتماع للنزر لوجه الله سبحانه وتعالى ما حدش يفكر في حد اصلا. ما حدش فاكرك حد ولا حد فاكرك النعيم بتاعه. فيتجلى لهم الله حتى ينظر الى - 00:07:20

سبحانه وتعالى ينزروا لوجه الله سبحانه وتعالى يبصوا لوجه الله سبحانه وتعالى فيتجلى لهم الله حتى ينظر الى وجهه فيقول سلوني اهل الجنة فيسألون حتى تنقطع الرغبة. خلاص ما عدوش عارفين يسألوا ايه. يا جماعة يوم الجنة فيه سوق. انا بزدداد في النعيم من من السوق ده. اصناف نعيمة - 00:07:40

عندي وفيه ريح الشمال اللي بتحتو فيزداد الحسن والجمال. يبقى الزيادة في الحسن والجمال كمان. وفي النظر لوجه الله اللي فيه زيادة نعيم القلب وسعادة الناس في الجنة. وفي كمان سالوني يا اهل الجنة فيسألوني حتى تنقطع الرغبة. يعني ساعة اجابة دعاء. مش يوم الجمعة في الدنيا. كان في ساعة اجابة دعاء. ده ده اجابة دعاء لاهل - 00:08:00

الجنة بس جابت دعاء مخصوصة. غير اجابة الدعاء العامة. سالوني يا اهل الجنة. يسألوه اهل الجنة حتى تنقطع الرغبة. لحد فما عدش فيه حاجة خلاص مش عارفين يتخيلوا اي حاجة. فيسألونا حتى تنقطع الرغبة. فحينئذ يفتح لهم ما - 00:08:20
الا عين رأت ولا اذن سمعت ولا خطر على قلب بشر. في الدنيا الكلمة دي لما كنا نسمعها ما لا عين رأت. انا يا جماعة في الدنيا انا اخري ايه يعني انا سافرت كم دولة يعني ولا سافرت كم بلد في العالم؟ ايه ما لا عين رأت بالنسبة لي كلمة كبيرة. حاجات - 00:08:40
كثير اوي عيني ما شفتهاش في الدنيا نفسها. ملأ اذن سمعت يقينا لما الواحد بيقتد مسلا مع ناس آآ يعني ايه ملطي من يونات ولا حاجة ويقعدوا يتكلموا مع بعض فاهمين - 00:09:00

اقعدوا بقى روحوا بلاد معينة عارفينها راحوا منتجعات معينة عارفينها. يعني الناس بقى اللي زينا كده ايه ما بتروحش الاماكن دي قوي يعني. فيبدأوا يتكلموا عن حاجات وانت قاعد تسمع بابور. هو ده موجود - 00:09:10
في الدنيا انا ما سمعتش عن الكلام ده قبل كده. في الدنيا يا جماعة كان سهل ان الكلمة دي تتقال. انما في الجنة. الكلمة دي تتقال. كل يوم جمعة تجنن يا جماعة. كل - 00:09:20

كل يوم جمعة الجنة دي بتتقلب شكل ثاني خالص. واحد من امراء الخليج اوضة النوم بتاعته ده كلام حقيقي. اوضة النوم بتاعته فيها اربع زراير. زرار واحد يتك عليه السقف والارضية والسراير والموكيت واللاوضة نفسها والجدران تتبدل وتيجي اوضة تانية. ازاي؟ الالكتروني الوان تانية وعفش - 00:09:30

ثاني ده ده اللي عمله البشر للبشر. امال اللي رب البشر اعدوا للبشر ابداع الجنة ده شكله ايه؟ ابداع الجنة زي ما هنتكلم ان شاء الله. لما نيجي نتكلم عن الفردوس الاعلى - 00:09:50

هنتكلم عن افق الدهول بقى يا اخواننا. يعني الفردوس الاعلى ديت اللي هي لما ربنا قال لا يبغون عنها حوالا اللي هي الفردوس الاعلى. قل لو كان البحر مدادا لكلمات ربي - 00:10:00

الى نافذ البحر. يعني اصناف النعيم التي في الفردوس الاعلى ينفد الفكر والخيال. ويظل تكتبها لو اتحولت المحيطات كلها لبحر والشجر كله اتحول لاقلام وقعدت تكتب اصناف نعيم الفردوس الاعلى هتتكسر الاقلام وهيخلص - 00:10:10
الحبر بتاع المحيطات ومش هيخلص وصف الفردوس الاعلى. احنا بنتكلم في نعيم ما فيش حاجة. تستاهل ان احنا نضيعه من ايدينا. عشان كده نعيم يوم الجمعة في جنة في حينئذ يفتح لهم ما لا عين رأت. ولا اذن سمعت ولا خطر على قلب بشر. ولا خطر -

00:10:30

على قلب بشر حاجة فوق التخيل وفوق التصور دي حاجة اسمها يوم الجمعة في الجنة. طيب انا حاسس ان يعني لسه فينا ناس

قلوبها كده ايه اتأخذت شوية مع لقد ازددتم بعدنا حسنا وجمالا. عارفين الحور العين في الجنة يا جماعة - 00:10:50

عارف جمال المرأة في الجنة شكله ايه؟ وانت عارفة جمال الرجل في الجنة شكله ايه؟ انتم عارفين بقى ده من ضمن اصناف نعيم الجنة. تعالوا بقى اما ندخل شوية بقى. تعالوا اما ندخل - 00:11:10

الحور العين في الجنة ديت شكلها ايه؟ لما ربنا يقول وزوجناهم بحور يعني ايه حور؟ قال لك حور دي يعني تحتار العين في جمال ملامحها. يعني ده ده انت دلوقتي جمال مراتك في الجنة. انا بوصف لك الوقت جمالك في الجنة. تحتاري العين في ملامحها. ما هيش

عارفة تبص لايه وتسبب ايه فيها. حور عين يعني حاجة عينيها تحفة - 00:11:20

طب يعني ايه حور؟ حور برضو شدة بياض الجلد؟ يعني لون جسدها ابيض مبهر من شدة البياض. طب برضو يعني ايه حور؟ حور يعني زي عنين بتوع دول الاسكندنافية كده اللي هو النبي اسود اوي البياض بتاع العين ده ابيض اوي فتلاقي العين شكلها في غاية

الجمال سواء - 00:11:40

رجل او امرأة يعني ده حور عين. طب ربنا قال في اية تانية كانهن الياقوت والمرجان. ده الياقوت والمرجان دي الوان كثير اه بقت ده لون الجسد بقى ده حور دي ده لون الجسد اومال الياقوت والمرجان ايه؟ ده لو ان العين ده لون الشعر ده لون الخدود ده لون

الشفايف ده - 00:12:00

تانية بقى تبص كأن واحدة من مجموعة احجار كريمة قدامك. تخيل لما تبقى مراتك بالوصف ده وصف لحور العين. النبي عليه الصلاة والسلام بيوصف لك الحور العين لسه قبل المونتاج قبل ما قبل المنتجة يعني ايه المنتجة؟ يعني الواحدة قبل المنتجة في الدنيا غير

بعد المنتجة. الواحدة صاحبة من النوم في الدنيا بيبقى لها شكل. واول ما تقف قدام - 00:12:20

ساعة بيبقى لها شكل تاني خالص خالص خالص. طيب قبل المنتجة بقى الحرية شكلها ايه؟ لو اطلعت واحدة من اهل الجنة على الارض لاضاء لمألتها ريحا من المشرق للمغرب. حديس عن النبي عليه الصلاة والسلام لمألتها ريحا. يعني ده ريحة جسمها من غير لسة

اي برفانات. ولا اضاءت ما بينهما. ده ده - 00:12:40

وشها وبياض وشها ونور وشها من غير لسه اي اضافات ولا كريم اساس. ولنصيفها على رأسها خير من الدنيا وما فيها. يعني وهي لابسة الخمار كده من غير شعرها يعني الشهر ما دخلش في المسابقة. يعني ما نزلتش وسابت ملكات جمال العالم. الشعر بيتشال.

يعني الاوبشن بتاع الشعر ده اتشال منها. وهات كل ملكات العالم بشعرهم - 00:13:00

ها ولنصفها على رأسها خير من الدنيا وما فيها. ده دي لسه يقول لك يرى مخ سوقها من وراء اللحم من شدة الحزن. يعني ايه؟ يعني يا جماعة لما دخلنا في كلية طب قعدنا سنتين ندرس في التشريح. اكثر حاجة في التشريح فيه خمسمية عضلة في جسم الانسان. ده

بس - 00:13:20

عضلة عضلة. عضلة عضلة طالعة منين ورايحة فين؟ فالعضلات دي لحم. فانا لما اقول لك رجلي عمرك ما هتشوف العضم اللي ورا العضلات ليه؟ لان اللحم مغطي. لأ ده مش - 00:13:40

اعمل عضلات بقى الكثيف بتاع الدنيا. ده منظر كده حاجة عاملة زي ايه؟ حاجة شفاقة عاملة زي الجيلي. ايه المنزر ده! ما حدش يقدر يتخيله. اللي هو منزر مبهر. ده ده كل ده من غير - 00:13:50

مكياج امال بقى بعد المنتجة بقى لما يقول لك بينما اهل الجنة في الجنة اذا استنارت الجنة. فجأة الجنة نورت. فقيل ما هذا قالوا هذه حورية ضحكت في وجه زوجها. ده واحدة ضحكت في وش جوزها. ايه الجمال ده يا جماعة! ده دي ضحكة! ضحكتها كده! امال

بقى لما - 00:14:00

الضحكة تبقى اكثر ولما كلام الحب بيبقى اكثر عشان كده لسة واحنا بنوصف في الحورية من الحور العين عايزين نوصف في حاجة تانية جميلة قوي يا جماعة اصل مش اجمل حاجة في الحرية عنيها - 00:14:20

في ناس فاكدة ان حوريا في الجنة او زوجها في الجنة معناها الجماع. وان نعيم الرجل مع المرأة في الجنة هو الجماع. لا يا جماعة. ده فيه انواع نعيم تانية. هو انت نعيمك مع زوجتك - 00:14:30

هو العلاقة الزوجية بس ده فيه انواع نعيم تانية خالص. نعيم الحب اللي بينك وبين مراتك. نعيم الحب اللي في قلبها. جمال قلبها بقى. ان قلبها بكر. قلبها بكر بتاعك انت. قلبها ما تمسش بحد غيرك انت. ربنا يقول فيهن قاصرات الطرف. يعني ايه قاصرات الطرف؟ يعني عينيها مش قادرة تتشال من عليك - [00:14:40](#)

وبرضو قاصرات الطرف يعني من شدة جمالها ما انتاش قادر تشيل عينك من عليها. قاصرات الطرف يبقى عينيها محطوطة عليك. لو انت قاعد دلوقتي مسلا في اي مكان ها وبعد كده بتبص يمين لقيت واحدة بتبص عليك. هتبدأ تتجهز. طب انت بتبص بعد التلات دقائق لقيتها لسه قاعدة عيني عليك. هتبدأ - [00:15:00](#)

طب لقيتها مركزة عينيها عليك ده انت هيغمى عليك وانت قاعد. يبقى ان تخيل بقى ان دي واحدة بنزرات الحب عينيها عليك على طول مش قادرة تشيل عينيها من عليك. من - [00:15:20](#)

كثر الحب تخيلوا فيه حد يتمنى ان زوجته تحب حب اكثر من كده؟ ربنا يقول لك عربا اترب عرب يعني حتى كلمة اللغة العربية اللغة اللي بتعرف تعرب عن المعاني - [00:15:30](#)

تقدر تعبر عن اللي في قلبها. بتقدر تقول كلام حب لا فيه واحدة بعته لواحد في مسج ولا في كلام اتقال على اي وسيلة من وسائل السوشيال ميديا. ولا في - [00:15:40](#)

رسالة حب حملته وكلام حب ثاني خالص بقى كلام حب رهيب. عربا اترايا. ربنا يقول لك يسقون من رحيق مختوم. يعني ايه يسقون؟ تيجي تشرب العصير وانت معه تقول لك والله - [00:15:50](#)

ما انت مادد ايدك وتبدأ تسقيك هي بايديها. يعني منزل غريب اوي يا جماعة ان حبيبتك وهي ماسكة كوباية العصير وتسقيك في بوقك وعينيها عليك من شدة الحب وبتقول لك باحبك منزل الشباب ممكن يدفع حياته عشانه ولكن ما هوش موجود في الدنيا - [00:16:00](#)

طب اقول لك حاجة اخطر من كده في حب الحورية او حب مراتك في الجنة لك. اذا اذت المرأة الزوجة في الدنيا زوجها. قالت الحورية التي هي زوجته في الجنة قالت لها قاتلك الله. انا عايزك وعايزك تقف قدام كلمة قاتلك الله ديت - [00:16:20](#) يعني ايه قاتلك الله؟ يعني انما هو بخيل عندك يوشك ان يفارقك الينا. يعني ايه قاتلك الله؟ كلمة يا جماعة تتوه العقل وفهمناها. انتم عارفين لما واحدة تحب جوزها قوي - [00:16:40](#)

ففي حد يقول له كلمة وحشة. مستعدة تقلب الدنيا عشان جوزها. دليل بتقول ده مستعدة ان الموضوع يبقى فيه اكل. ده مستعدة ان الموضوع يبقى فيه دم. بس ده ما حدش يقرب - [00:16:50](#)

اطلب منه ما حدش يقول له كلمة. ده هي مراته ما ضربتوش. ده هي مراته قالت له كلمة ضايقته بس تقول لها قاتلك الله. يعني حب لدرجة ان هي مش متخيلة ان في اي حد - [00:17:00](#)

قل له اي كلمة تضايقه او اي كلمة تحزنه ده عواطف موجودة في الجنة. عشان كده اسر من الاثار ان الحورية اه في الجنة تشتاق الى زوجها لسه ما دخلش. فترسل من خدمها فيروح واحد يلاقيها عند الميزان. يرجع يلاقيها عند الميزان. يقوم في يوم القيامة. تقوم باعته واحد ثاني يقول لها ده بقى عند الصراط. تقوم بعد واحد - [00:17:10](#)

قالت لها هو على باب الجنة فيملا قلبها الفرح. فتخرج لتعتنقه. فيجد ريحها. الريح ريحة العطر ساعتها تدخل من انفه كأنها داخلة على قلبه من شدة الجمال. الريح بتاعتها ده ده لا شيء في وصف الحرية بتاعة الجنة. الرجل في الجنة بقى جماله - [00:17:30](#)

زي جمال سيدنا يوسف حاجة اللي هي لما النسوة شافته قطعوا ايديهم. من شدة الجمال المبهر بتاعته. قوته قوة مهولة. بفضل الله سبحانه وتعالى يعني ربنا يجعلنا من اهل الفردوس الاعلى - [00:17:50](#)

قوته قوة رهيبة. العاطفية بتاعته بقى الرومانسية بتاعته في كلمة لقد اردتم بعدنا. حسنا وجمالا. يعني انسان عنده زوق. انسان كان عنده رومانسية. انسان عنده عواطف. انسان مش مشغول عنك. انسان ما هواش. لأ ده مقدر كل ملمح من ملامح الجمال بتاعتك. ده -

[00:18:00](#)

صنف من اصناف نهر الجنة ونوع من انواع نعيم الجنة. اتكلمنا المرة دي يا جماعة عن نعيم يوم الجمعة في الجنة. وان ده صنف من

اصناف النعيم العظيمة. واتكلمنا عن - [00:18:20](#)

يوم الجمعة واتكلمنا عن نوع واحد بس بدأنا به كده بقى نبدأ بقى ندخل في اصناف نعيم الجنة واحدة واحدة بقى اتكلمنا عن صنف

من اصطفى ايام الجنة اللي هو جمال - [00:18:30](#)

زوجة وجمال الزوج وجمال العلاقة الزوجية في الجنة والحب اللي مالي قلوبهم والجمال اللي بيرفرف على كل لحزة من لحزاتهم

والسعادة الزوجية الهائلة في الجنة ربنا يجعلنا من اهل الفردوس الاعلى. اللهم ارزقنا الفردوس الاعلى. اللهم ارزقنا الفردوس الاعلى.

اللهم انا نسألك الفردوس الاعلى - [00:18:40](#)

اللهم ارزقنا صحبة الحبيب محمد صلى الله عليه وسلم. في اعلى جنات الخلد انك ولي ذلك والقادر عليه. سبحانك اللهم وبحمدك

اشهد ان لا اله الا انت استغفرك واتوب اليك جزاكم الله خيرا - [00:19:00](#)

- [00:19:20](#)